



**Број: Т18 0 КТ 0017424 24**  
**Брчко, 28.10.2024. године**

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

## О П Т У Ж Н И Ц У

**Protiv:**

**BAJRAMI ELVIRA**, рођен ...2002. године у Сарајеву (...),

**Što je:**

1. Dana 05.01.2024. godine oko 17,00 sati, u ulici Biskupa Josipa Štadlera ispred broja 21, Brčko distrikt BiH, s ciljem pribavljanja protivpravne imovinske koristi, iako svjestan da oduzima tuđu pokretnu stvar, što je htio, s leđa prišao M.Š. i svojom rukom je gurnuo, pa kada je M.Š. pala, iz njene PVC vrećice oduzeo novčanik u kojem se nalazilo 200 KM u raznim apoenima, 30 Eura u apoenima od 10 i 20 Eura, 100 Američkih dolara, lična karta izdata u BiH, lična karta izdata u R. Srbiji, vozačka dozvola izdata u BiH, bankovna kartica Addiko banke, dva tekuća računa Addiko banke u Konvertibilnim markama i Eurima, sve izdato na ime M.Š., te slike od njenog pokojnog supruga i njene unučadi, čime je za sebe pribavio protivpravnu imovinsku korist u ukupnom iznosu od oko 440 KM, a za koji iznos je oštetio vlasnicu novčanika M.Š.,

**dakle**, na drzak način oduzeo tuđu pokretnu stvar s ciljem da njenim prisvajanjem sebi ili drugome pribavi protivpravnu imovinsku korist,

2. Dana 16.01.2024. godine oko 13,00 sati, u ulici Uzunovića, Brčko distrikt BiH, s ciljem pribavljanja protivpravne imovinske koristi, iako svjestan da oduzima tuđu pokretnu stvar, što je i htio, zajedno i po prethodnom dogovoru sa mlđb. M.O. i mlđb. A.O., s leđa prišao M.N., koja je u tom momentu hodala iza svoje sestre D., da bi nakon toga mlđb. A.O. svojom rukom udario M.N. u predjelu lakta njene lijeve ruke i od nje silom oduzeo kožni novčanik marke „Mona“, crvene boje, u kojem se nalazila lična karta izdata na M.N. ime, nekoliko kartica od tržišnih centara, bankovna kartica Nove banke izdata na njeno ime i kartica tekućeg računa, nekoliko slika i drugih raznih papira, nakon čega su sva trojica zajedno otrčali do naselja Šipad, gdje su odbacili oduzete stvari, čime je Elvir za sebe i drugoga pribavio protivpravnu imovinsku korist u vrijednosti oduzetog novčanika, a za koji iznos je oštetio vlasnicu novčanika M.N.,

**dakle**, kao saizvršilac, na drzak način oduzeo tuđu pokretnu stvar s ciljem da njenim prisvajanjem sebi i drugome pribavi protivpravnu imovinsku korist,

3. Dana 16.01.2024. godine oko 15,00 sati, u ulici Hercegovačka, Brčko distrikt BiH, s ciljem pribavljanja protivpravne imovinske koristi, iako svjestan da oduzima tuđu pokretnu stvar, što je i htio, zajedno i po prethodnom dogovoru sa mlđb. M.O. i mlđb. A.O., s leđa prišao R.H., nakon čega je mlđb. M.O. uz upotrebu fizičke sile sa njenih ramena otrgnuo, a zatim i oduzeo crnu torbicu od skaja, u kojoj se nalazio crni novčanik, lična karta izdata na R.H. ime, novac u visini od 130 KM u raznim apoenima, čekovi od penzije, razni papiri i ključevi od stana i kuće, pri čemu je R.H. pala na ulicu, a Elvir zajedno sa mlđb. M.O. i mlđb. A.O. otrčao u pravcu ulice Fra Sarafina Zečevića sa oduzetim stvarima, gdje su podijelili novac i odbacili torbu, čime je Elvir za sebe i drugoga pribavio protivpravnu imovinsku korist u iznosu od 130 KM, a za koji iznos je ošteti R.H.,

**dakle**, kao saizvršilac, na drzak način oduzeo tuđu pokretnu stvar s ciljem da njenim prisvajanjem sebi i drugome pribavi protivpravnu imovinsku korist,

4. Dana 16.01.2024. godine oko 12,40 sati, u ulici Milana Rakića ispred broja 4, Brčko distrikt BiH, s ciljem pribavljanja protivpravne imovinske koristi, iako svjestan da oduzima tuđu pokretnu stvar, što je i htio, prišao M.M., koja je u tom momentu ispod pazuha svoje lijeve ruke držala manju torbu, crne boje, te uhvatio M.M. za ručke njene torbe i povukao torbu ka njemu, pa kada je i M.M. povukla torbu ka sebi i rekla „sad ću zvati policiju“, pustio torbu i otrčao u nepoznatom pravcu,

**dakle**, pokušao da na drzak način oduzme tuđu pokretnu stvar s ciljem da njenim prisvajanjem sebi ili drugome pribavi protivpravnu imovinsku korist,

5. Dana 29.06.2024. godine oko 20,00 sati, u ulici Klosterska bb, Brčko distrikt BiH, s ciljem pribavljanja protivpravne imovinske koristi, iako svjestan da oduzima tuđu pokretnu stvar, što je i htio, došao u sportsku kladionicu „Sport Plus“ i sa šanka kladionice oduzeo mobilni telefon marke „Samsung Galaxy A20e“ sa preplatničkim brojem 065/..., sivo-plave boje, vlasništvo D.V., vrijednosti 359,90 KM, čime je za sebe pribavio protivpravnu imovinsku korist u iznosu od 359,90 KM, a za koji iznos je ošteti vlasnicu D.V., da bi nakon toga oduzeti telefon dao na korištenje svojoj majci S.P., a ona ga dana 01.07.2024. godine predala Policiji Brčko distrikta BiH, radi daljeg vraćanja vlasnici,

**dakle**, oduzeo tuđu pokretnu stvar s ciljem da njenim prisvajanjem sebi ili drugome pribavi protivpravnu imovinsku korist,

čime je pod tačkama 1, 2, 3 i 4 učinio produženo krivično djelo -Teška krađa- iz člana 281. stav (1) tačka 2) Krivičnog zakona Brčko distrikta BiH, a sve u vezi sa članovima 55. i 31. istog Zakona, dok je pod tačkom 5. učinio krivično djelo -Krađa- iz člana 280. stav (2) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti.  
Svako se smatra nevinim dok se pravosnažnom presudom ne utvrdi njegova krivica.

---